

傷寒辨類

清何元長著  
辛酉春何時希校註題



傷寒辨類

青浦何時希藏書  
上海古籍書店複印  
二冊定價七元六角

籌山草堂傷寒辨類卷下  
何氏秘本

雲間何世仁元長甫著

男書田手錄

孫鴻舫校字

惡風惡寒 第一

惡風者見風則怯密室中無所畏也惡寒者不見風亦惡寒身雖  
熱亦必欲近衣被其風寒容於營衛陰氣上入陽中則洒淅而惡  
寒也 寒傷營風傷衛營衛既傷不復榮中而衛外矣豈復能任  
風寒哉故傷風惡風傷寒惡寒理必然也但惡風悉屬乎陽惡寒  
則又有陰陽之別經曰發熱惡寒發於陽無熱惡寒發於陰此陰  
陽之別也

發熱 第二

翕然而熱者表熱也是風寒容於皮膚怫鬱於外表熱而裡不熱也蒸然而熱者裡熱也是陽邪入陷於陰中裡熱甚而達表也其在半表半裡者表邪未罷邪氣傳裡裡未作實則表裡俱熱而但輕於純在裡也太陽惡寒發熱陽明微寒發熱或惡熱發熱或自潮熱少陽往來寒熱少陰裡寒外熱太陰厥陰皆不發熱也汗下後有熱大汗則損氣氣損則陽微故脈虛而惡寒大下則傷血血傷則陰弱故脈濇而復熱悞汗悞下皆有此耳且陰以陽為主陽以陰為根下之亡陰矣陰無所主邪氣搏之血虛乃發熱也經曰凡傷於寒則為病熱熱雖甚不死傷寒發熱病之常也若脈陰陽俱虛熱不止者汗後復發熱脈躁急者下利熱不止者皆不易治則又不可例治之傷寒雜病發熱有相似者傷寒發熱惡熱



而渴陽明經病陽明氣病脈洪大先無形也白虎湯主之雜病發熱惡熱而渴但目赤者病臟也手太陰肺不足不能管領陽氣也脈洪大甚則吐血先有形也地黃杞子之類主之若誤用白虎者死東垣曰氣病在表誤用血藥無傷也為安血而益陰也血病在裡誤用氣藥白虎者非也為瀉肺而損陽也又有內損中熱與陽明症相似內傷熱中與外感症相似者辨在前條

潮熱 第三

潮熱屬陽明陽明昧於未申一日一發日晡而作如潮水之有信也邪入胃腑為可下之症設或脈浮而緊潮熱而利或小便難大便溇者邪未入府猶帶表症先當和解其外如小便利大便硬方可攻之若潮熱於寅卯則屬少陽潮熱於巳午則屬太陽此又不

可不辨

寒熱 第四

往來寒熱者陰陽相勝邪正分爭也屬少陽半表半裡症蓋陽不足則陰邪出表而與之爭故陰勝而為寒陰不足則陽邪入裡而與之爭故陽勝而為熱邪居表則多寒邪居裡則多熱邪在半表半裡則寒熱相半乍往乍來而間作也小柴胡專主往來寒熱寒多加桂熱多加芩是大法也若熱結在裡大渴大便實往來寒熱大柴胡

煩熱 第五

煩熱者熱而煩擾不安也邪熱傳裡不經汗吐下則為煩熱似同而異經曰病人發熱汗出則解如未作膈熱但當和解微汗而已

若心下滿而煩則有吐下之異宜別其症之虛實而為劑之輕重也先煩而悸者為實先悸而煩者為虛虛煩謂心中欲嘔鬱悶之狀也凡煩熱不得出汗者發汗則愈發汗後解半日許復煩脈浮數可更發汗桂枝湯太陽心煩自汗小便數者不可與桂枝湯宜二味芍藥甘草湯酸收甘緩酸甘相合用補陰血出汗後煩渴脈洪大人參白虎湯陽明心煩喜嘔壯熱往來心下悸小便不利小柴胡加茯苓湯傷寒二三日心中悸而煩小建中湯桂枝甘草芍藥饴糖而煩渴者飲水則吐五苓散不愈竹葉石膏湯下後復發熱晝則煩躁不得眠陽與陰爭也夜而安靜陽不能爭也不嘔不渴無表症脈沉微身無大熱者乾薑附子湯主之味若發汗若下之病仍不解而渴煩茯苓四逆湯大下後煩不解不大便六七日腹滿脹者有燥屎者

大承氣湯 下後心煩腹滿卧起不安者枳子厚朴湯枳子厚朴湯

泄枳子之苦以泄腹滿煩傷寒醫以丸藥下之身熱不去微煩者枳

朴之苦以泄腹滿煩傷寒醫以丸藥下之身熱不去微煩者枳

子乾薑湯姜之苦以益氣汗吐下後虛煩不眠者必反覆顛倒心

中懊懷枳子豉湯此吐瀉泄之意取酸腎傷寒表裡無熱煩憤不欲見

明有時腹痛其脈沉細四逆湯 內傷勞役陰虛火動而煩者其

人身倦無力自汗尺脈虛浮補中益氣湯加知柏麥地施連若不

得睡而心煩者兼服硃砂安神丸歸草硃砂生地連蒸餅丸下凡

傷寒身體煩疼即是熱疼不得汗故也脈浮者汗之弦者和之至

於胸中煩心中煩俱是熱而煩也小柴胡合解毒湯主之甚者吐

煩躁第六



煩為擾亂躁為憤怒是謂先煩而漸至躁也傷寒煩躁有陰陽虛實之別心熱則煩陽實陰虛腎熱則躁陰實陽虛煩則熱輕躁則熱甚也 火入於肺煩也火入於腎躁也或煩躁者心之大也夫心君火也與邪熱相接上下不通熱金以之而躁水以之而虧獨存者火耳故肺腎與心合而為煩躁也蓋煩雖肺躁雖腎其實心火為之也有邪在裡而煩躁者有不煩而便作躁悶者此為陰盛格陽欲於泥水中坐卧飲水不得入口也四逆湯 其或結胸症具而煩躁吐利四逆而煩躁下利發熱厥逆而煩躁惡寒踡卧脰不出而煩躁者皆不可治 傷寒當汗不汗則人煩躁太陽中風不得汗煩躁者邪在表也大青龍湯渴則沖和湯 太陽不得汗醫以火劫而煩躁者小柴胡加牡蠣湯 發汗已脈浮數煩躁而

渴者五苓散 無熱狂言煩躁者五苓散水調探吐陽明不大便

煩躁承氣湯下之 少陰吐利厥逆煩躁欲死吳茱萸湯人參生薑吳茱萸大棗

厥逆脈沉自利煩躁不得眠黃連阿膠湯黃連阿膠雞子 雜病血

虛煩躁當歸補血湯歸芎地麥知柏參茯連梔 痰火煩躁溫胆湯

不眠 第七

不眠者陽氣陰虛則晝夜不得眠蓋夜以陰為主陰氣盛則目閉

而臥安若為陽所勝則煩擾而不得寧所謂虛則夜爭也至於少

陰病熱煩於內而不得眠又宜黃連阿膠湯梔梅柴草芎姜豉竹葉 有汗下

太過陽氣暴虛而不得眠者若無熱症脈沉微不嘔不渴晝不眠

夜安靜又宜姜附湯以退陰復陽也此又不可不知汗出鼻乾不

得卧者邪不表也解肌湯若胃有燥屎大熱錯語及大汗胃中乾

不得眠者邪在裡也用大承氣下之胃不和則卧不安故宜徹熱和胃也若汗下後虛煩不得眠吐下後心中懊憹不得眠梔子豉湯汗後虛煩不得眠當歸溫胆湯陽協陰狂言不眠亂夢心煩氣乏者酸棗仁湯人參 棗仁 桂心 石 薑 茯苓 知母 甘草 生 姜陰協陽驚悸昏沉大熱乾嘔錯語呻吟不眠者犀角地黃湯溫胆湯少陰下利咳而嘔渴心煩不得眠者停水也猪苓湯少陰二三日心煩不得眠熱煩於內也黃連阿膠湯病人小便不利大便乍難乍易時有微熱喘冒不能眠者有燥屎也大承氣湯中風汗出脈濡而弱厥而且寒躁不得眠小建中湯煩躁竹葉石膏湯瘥後飲酒煩惡乾嘔口渴呻吟錯語不得眠犀角解毒湯犀角 大 青 元 參 甘 草 升 麻 黃 芩 黃 連 黃 柏 山 梔

多眠第八



衛氣者晝則行陽夜則行陰行陽則寤行陰則寐陽氣虛陰氣盛則目瞑故多眠乃邪傳於陰而不在陽也昏昏閉目者陰司閤也默默不言者陰主靜也太陽病十餘日脈細嗜卧者外已解神將復也設胸陷脇滿鼻乾不眠者風熱內攻不在乎表故熱氣伏於裡則喜睡不得汗者小柴胡湯脈浮者冲和湯冬用麻黃湯少陰病但欲寐尺寸俱沉細者四逆湯少陰病欲吐不吐欲嘔不嘔心煩多寐五六日自利而渴小便白者四逆湯若復煩渴不得卧者不治三陽合病欲眠目合則汗出譫語者以有熱也小柴胡湯其胃熱者亦嗜卧也犀角解毒湯風溫狐惑亦有此症開在後條凡汗後身涼脈靜而好睡者病將愈也



晝靜夜劇者熱在血分四物湯加芩連知柏丹皮梔子柴胡主之  
夜靜晝劇者熱在氣分小柴胡加黃連骨皮知母山梔主之

鬱冒不仁 第十

鬱冒者昏迷沉悶如物之蒙冒其首者是也不仁者頑痺麻木痛  
痒不知針火不知如屍厥者是也節庵曰諸虛乘寒為鬱冒不仁  
氣血虛弱不能周流於一身於是正氣為邪氣所伏故肢體頑麻  
不仁厥如死屍桂枝各半湯不愈補中益氣湯入薑汁設或肢體  
如油出汗不休喘而直視水漿不入者此為命絕也經曰少陰脉  
不至腎氣微少精血奔氣促迫上入胸膈血結心下陽氣退下熱  
歸陰服與陰相動令身不仁當刺期門巨闕以鬱冒不仁為可刺  
之而得痊者實神醫之診也甘草乾薑湯桂枝芍藥湯加乾薑麻

桂各半湯消息選用之 太陽下早不愈仍復發汗以致表裡俱虛其人致冒冒家汗自出而愈乃表和也若不得汗而不解人參三白湯加芎歸天麻下虛脈微足冷加熟附溫經固本少陰下利止而頭眩時時自冒者死此腎絕也 婦人新產鬱冒血虛也四物主之若惡露上冲鬱冒此血暈昏迷也四物加紅花桃仁薑附主之 凡頭目眩暈非鬱冒也蓋眩暈為輕鬱冒為重也

頭痛 第十一

頭痛者邪氣攻於上也三陽經俱有頭痛而太陽尤為專主三陰經無頭痛者陰氣至頸胸而還也厥陰有頭痛者其脈上連目系巔頂也太陽頂巔脰後痛陽明頭額痛少陰頭角痛太陽頭痛無汗麻黃湯有汗桂枝湯三時冲和湯陽明頭目痛鼻乾不眠解肌

湯加川芎白芷升麻蔥白若煩渴自汗白虎湯若六七日不大便  
胃實氣攻於上頭痛者少與調胃承氣湯少陽頭痛小柴胡湯厥  
頭痛乾嘔吐涎沫吳茱萸湯濕家頭痛鼻塞瓜蒂末納鼻中黃水  
立愈痰涎頭痛胸滿寒熱脈緊瓜蒂散吐之而愈若兩感頭痛與  
夫真頭痛痛連於胸手足俱寒而青者必死陰火上衝頭痛者四  
物加黃柏知母蔓荊苓連山梔食積頭痛平胃散加川芎以上諸  
藥中俱加桔梗開提諸藥上行也李東垣曰東風生於春病在肝  
俞在頭頂故春氣者病在頭又諸陽會於頭面如足太陽膀胱經  
起於目內眦上額交巔上入絡腦還出別下項病衝病痛足少陽  
胆經起於目銳眦上抵頭角病則頭角痛夫風從上受之風寒傷  
上邪從外入客於經絡令人振寒頭身重惡寒治在風池風府調



其陰陽不足則補有餘則瀉汗之則愈此傷寒頭痛也頭痛耳鳴  
九竅不利者腸胃之所生乃氣虛頭痛也心煩頭痛者病在耳中  
過在手巨陽少陰乃濕熱頭痛也如氣上不下頭痛顛疾者下虛  
上實也過在足少陰巨陽甚則入腎寒濕頭痛也如頭半寒痛者  
先取足少陽陽明後取手少陽陽明此偏頭痛也有真頭痛者甚  
則痛連於腦手足寒至節不治之症有厥逆頭痛者所犯大寒至  
骨髓髓者頭痛為主腦逆故令頭痛齒亦痛凡頭痛皆以風藥治  
之者總其大體而言之也高巔之上惟風可到故味之薄者陰中  
之陽自地升天者也然亦有三陰三陽之異故太陽頭痛惡風脈  
浮緊川芎羌獨活麻黃之類為主陽明頭痛自汗發熱惡寒脈浮  
緩長實者升麻葛根白芷石羔為主少陽頭痛脈弦細往來寒熱



柴胡為主太陰頭痛必有痰體重或腹痛為痰癖其脈沉緩蒼朮  
半夏南星為主少陰頭痛三陰三陽經不流行而足寒氣逆為寒  
厥其脈沉細麻黃附子細辛湯主之厥陰頭頂痛或吐痰沫厥冷  
其脈浮緩吳茱萸湯主之血虛頭痛芎歸為主氣虛頭痛參芪為  
主氣血俱虛頭痛調中益氣湯少加川芎蔓荊細辛其效如神  
白朮半夏天麻湯神曲廣皮乾姜參芪蒼朮澤瀉黃柏白茯苓此治痰厥頭痛藥也

清空膏

芎藭柴防苓連炙草此治風濕熱頭痛藥也

羌活附子湯

防芷麻黃升麻蒼朮草姜蚕芪佛耳草此治厥陰頭痛藥也如濕氣在頭者以苦吐之不可執方而治也

頭眩 第十二

頭眩者少陽半表半裡間表邪傳裡表中陽虛故頭眩又有汗下  
後而眩冒者亦陽虛所致少陰下利止而頭眩時時自冒此虛極